

Ita est custu vademecum ?

Custu Vademecum est una gènia de guida innui s'arrespundit, cun figuras e fumetus chi podint interessai fintzas a is piciocheddus, a preguntas asuba de sa lìngua sarda.

Is preguntas pertocant, pruschetotu, su profetu mannu chi nos sardus teneus gràtzias a is leis a tutela de is lìnguas de minoria.

Si podit agatai duncas sa respusta chi si fait isciri comentis si podeus abàlliri de totus is diritus chi teneus gràtzias a custas leis:

- **sa lei n. 482 de su 1999**
- Normas a tutela de is minorias linguisticas istòricas;
- **sa lei de sa Regioni Sardigna n.26 de su 1997**
– Promotzioni e valorizatzioni de sa cultura e de sa limba de sa Sardigna

Si podint agatai puru atras chistionis e crosidadis asuba de sa Lìngua sarda.

Su *Vademecum* at a bessiri a puntadas cun unas cantu preguntas e arrespustas a borta.

Su Vademecum inderetura a domu!

Custu *Vademecum* a puntadas si podit agatai in is butegas, in is bars, in sa biblioteca e in su comunu de bidda nostra



Comunu de Bàini

Provintzia de Aristanis

Su Vademecum est aprontau de su Servìtziu linguìsticu sardu de su Comunu de Bàini
(operadora Tatiana Frau).

S'isportellu linguìsticu est a disponimentu de tzitadinus, maistus de iscola, professoris e istudentis po calisiat informatzioni, fundamentu, duda, crosidadi, bibliografia, sitografia asuba de sa Limba Sarda, po consulèntzias didàticas e po cussillus chi pertocant is arrègulas de iscridura de su sardu.

Su Sportellu in su mesi de Abrili est apertu:

	De	A
Giòbia 5 – 12	Is 07:30	Is 12:30
Giòbia 19	Is 07:30	Is 10.30
Cenàbura 20	Is 18:00	Is 19:30
Martis 24	Is 07:30	Is 10:30

Telèfunu: 0783/939000



Comunu de Bàini

Provintzia de Aristanis

www.comune.villaverde.or.it

VADEMECUM

Po su manìgiu de is leis a tutela de is
lìnguas de minoria

Annu I, n.2

Acabau su 24 de abrili de su 2012

Preguntas asuba de sa llingua sarda

Ita si podit fai cun is leis a tutela de is llinguas de minoria



Ddui funt règulas pò iscriri in sardu?

Eya! ddui funt is règulas de sa Limba Sarda Comuna chi podint èssiri manigiadas de totu is sardus po si cumprendi mellus a pari.

Pò ndi sciri de prus...

- **Ddui funt règulas po iscriri in sardu?**


Ddui funt is règulas de sa Limba Sarda Comuna bogadas de sa Regioni Sardigna cun sa Deliberatzioni n° 16 de su 2006, chi podint èssiri manigiadas de totu is sardus po si cumprendi a pari.

Custas règulas pertocant sceti s'iscritura, in sa fueddada si podit sighiri a tènniri sa variedadi locali.

Sa LSC, mancai apat postu règulas de agiudu mannu e apat unificau s'iscritura, at bogau unas cantas

chistionis poita non totu is biddas s'arreconoscint in custa manera de iscriri chi, su prus is biddas campidanesas, cunsiderant a tesu de sa variedadi issoru. Duncas iat a èssiri mellus a tènniri is règulas de sa LSC comenti arriferimentu ma tocat a no èssiri tropu còrdinus in su manìgiu issoru.

Ddui funt leis chi tutelant sa llingua sarda? Calis funt?



E sa Lei de s'Istadu Italianu n.482 de su 1999.

Po ndi sciri de prus...

- **Calis funt is leis po' sa tutela de su Sardu?**
Is Leis de interessi mannu chi pertocant sa tutela de is llinguas de minoria funt is chi sighint:
 - Sa Carta Europea de is llinguas de minoria de su 1992 chi donat linias de Princìpius
 - Sa Lei Regionali n° 26 de su 1997 chi tutelat sa llingua e sa cultura sarda

- Sa Lei de s'Istadu Italianu n°482 de su 1999 chi tutelat is llinguas de minoria aintru de is làcanas de s'Itàlia, allistadas in s'articulu 2 : s'albanesu, su catalanu, is llinguas germànicas, grecas, slovenas e croatas, su francesu, su francu-proventzali, su friulanu, su ladinu, s'ocitanu e su sardu.

Pìndulas de llingua sarda

Ocannu puru, su 28 de Abrili si afestat sa *Dii de sa Sardinnia*. Custa est una festa istituida de su Cunsillu Regionali in su mesi de Cabudanni de su 1994 e est sa festa de su pòpulu sardu.

Custa festa bolit arregordai s'avollotu acuntèssiu su 28 abrili de su 1794 candu is sardus c'iant bogau de sa Sardinnia a totus is piemontesus, e a su vicerei Balbiano puru, poita su governu de Torinu iat arrespostu no a is cincu preguntas de su Populu sardu chi domandaiat de lassai a is sardus is incarrigus pubricus de s'Isula, de fai a Casteddu puru unu Consillu de Stadu, acanta a sa sea de su Vicerei e de fai a Torinu unu Ministèriu po is afàrius de Sardinnia.